

志

乾隆甲辰

鄉寧縣志

官衙藏板



序

邑之有志猶國之有史不徒志
山川輿圖建置所以昭成憲垂
典禮宣上德達下情也古者士
君子身之所歷必能舉其地
之形勝時之沿革與夫物產之
夥邦賦之經有闕于吏治民生

序

一

至於微言考獻尤極不忘焉非
細故也遊歷若斯况於仕宦之
于其地者乎惟是名都大邑
不難揚厲鋪張而慕爾彈丸
或不免抱歎守缺因陋就簡
人情大抵然矣然志視其人自
所樹立何如耳孔子作春秋歆之

家數萬其首數千不遺小國
之諸侯故滕薛邾莒方六
七十如五六十或不能五十里
者未嘗不大書特書炳之煇
昭如日星焉况今之縣治雖衝
僻不同繁簡之異大都不下
百里方古之大國諸侯余於癸

卯春由冬官出守平陽於所屬
十邑一州行部之餘問民俗攷
古蹟徵軼事見此地為帝堯
舊都民俗醇古詩人所咏蟋
蟀秋社之風于今不甚相遠慨
然想見康衢擊壤之遺被閱
郡志脩於乾隆元年迄之茲

十年來其間屬邑改隸生
齒繁多科目聳翩官僚擢
調在空有所增續思更葺
之然物力未裕採訪維艱不
得不從容有待也鄉寧大尹
葛君以所修鄉邑縣志脫稿
呈覽字稱已奉

序

三

藩憲委負校正詳蒙

院憲批准飭令照稿刊刻
現在覓匠將付剞劂請余
為教言弁首披覽之下見其
搜羅彙考頗有苦心蓋平陽
昔屬州縣凡三十有四吉州鄉
邑皆屬也雍正二年以吉州為

直隸州鄉寧隸焉乾隆三十
七年吉州仍改散州與鄉邑
俱仍隸平郡而以平陽所屬
之霍州為直隸州趙城屬之
此亦沿革之一端法良而意
美者按鄉寧志創於明季
第歷間康熙十一年邑令張

序

四

君修之迄今已百有餘歲誠
不可不脩而葛君所著較之
舊志有過之無不及焉然皆
簡而明詳而不冗傳曰修辭立
其體昔黃帝命蒼頡作史
官而史之名以立相傳蒼頡
故里實在臨汾又孟子稱晉之

乘而董狐史趙一時良史皆
晉人也自封建改為郡縣小
史外史之官廢而志于是立
唐曰括地宋曰寰宇元明曰一
統皆志也閩中惟武功志稱
佳本為康對山手草只七篇
地理建置祠祀田賦官師人

序

五

物選舉而已武功在陝志紀大
邑而其志至今獨傳以其文
高古典樸不在乎誇多闢廢
也我

國家

列聖相承重熙累洽

今天子德威化神宵旰憂勤求

治纂修天下通志高文典冊
鼓吹休明而四庫全書館無
美不臻片長必錄石渠天祿
何多讓焉蓋之

各憲廉明求賢若渴拔茅
連茹後軫方道鄉寧維於
郡為小邑將為君子將為野

序

六

人矧荀息為晉國孤忠王績
則醉鄉高士王通弟子房杜
之相業爛然老將廉頗趙
國之河山增色興懷泣哲不
薄今人明季人才亦登顯仕
而近在目前者壬申則兄弟
聯芳辛卯則文儒

賜第何地無才子足先史策而
况六山啼鳥澗水落花尾
嘯猿啼雲蒸霞蔚一壑一
邨無非佳致官世地者豈不
足為治也歟况前令脩志之
時值寇氣之方靖愁未起于
瘡痍而全則比戶盈寧窮簷

樂利士食舊德農服先疇較
之往昔夫不相同蓋天下之平
久矣民生不見外事漠然惟
見山高而水清上歌下舞蹈
德咏仁千載一時也官斯土者
幸際

昌期與民休息而又以地僻民淳

簿書多暇得從事于筆墨
史貴闕疑志以傳信例類雖
異其義一也然則是書也必舛
譌補缺遺刪繁複汰浮夸可
以質其疑而傳其信所謂
盛世之音安以樂其政和匪惟吾
子之善于其職蓋乃適遇乎

斯時也曷君甲子孝廉後舉
比擢宰斯邑是良吏即良史
也是為序

乾隆四十九年歲次甲辰秋七月
誥授朝議大夫知平陽府事加
三級又軍功隨帶加二級紀錄
五次長白保定撰



重修鄉寧志序

凡志之難非有其人與事而載筆之難又非蓄採不富決擇不審之難也學不博不足與道古識不通不足與論今朝廷政體非草茅之士所知閭閻艱辛非誦讀之時所見而欲挾鬼國續貂尾難矣清以庸腐謬膺民社於乾隆己亥陽月

序

之吉到鄉寧任政事之暇日與邑之紳士接僉言舊志簡略成於康熙十一年迄今百餘載

國家累洽重熙之治不詳邑人孝義節烈之懿不著欲重行脩葺以為大清會典明備之一助於是取張公之志而細閱之則藹乎仁人之言也其蒞任最久山川之險易風俗

之澆淳編氓之蓋藏衿士之學政
無一不洞悉於胸中而後從事固
非初行蒞任者所敢輕議也然而
原本經義旁叅史傳上宣

列聖之深仁下切當今之時務則其時
有未逮者甚矣創始難而續而終
之尤非易易也於是搜羅舊牘又
遣使遍歷境內山川名勝詳攷而

序

二

謹言之於田賦則志累朝之蠲賑
於戶口則志康熙三十年之永不
添丁於城池建置則溯元魏以迄
宋元於山川關隘則攷北齊後周
及唐初之擴清明季之潰敗於人
物則表嘉父之忠及有明王鄭二
公之高風駿烈於官師則志李張
二公之愛民造士潔已奉公於禮

俗則隨事釐正折之以先王之典
下至小民一節之善靡不畢錄凡
此皆前志所未逮也雖然古人於
民間夫家衆寡以及馬牛車輦無
不周知蓋恤其所不足非盡取而
用之也今合一縣之人丁物產如
數家珍而刊之梨棗其思有以取
之乎抑亦有以予之乎此固清之

序

三

所捫心自矢而後之蒞斯土者亦
宜長體此心休息民生以培
盛朝之元氣是所望爾

峇

乾隆四十九年歲次甲辰長至月
知鄉寧縣事者陽萬清自序



鄉寧縣志

卷一 輿圖

二






高門汲道圖

寧遠縣志

卷一 輿圖



縣治圖

圖
西
山

